

E PËRGJITHËSHIMEJA LETËR' E DYTË E APOSTULLIT GJIONN

- 1** ¹ Plaku mbë Zonjën' e sgjedhëme, edhe mbë dielmt e asai, qi un' i due ndë të vërtetët, edhe jo unë vetëmë, por edhe gjith' ata qi kanë ngjofunë të vërtetënë, ² për ate të vërtetënë qi mbet ndër ne, edhe ka me qenunë bashkë me ne për gjithë jetënë, ³ qoftë bashkë me ju hir, ndëjesë, paqtim prei Perëndisë Atit, edhe prei Zotit Iesu Krisht të Birit Atit, ndë të vërtetë e ndë dashuni. ⁴ U gëzueshë shumë, se gjeta *d'isa* prei dielmvet tu tue ecunë, ndë të vërtetënë, sikurse muerëm porosi prei Atit. ⁵ Edhe tashi të lutem, o Zonjë, jo sikur tue shkruem te ti *nji* porosi të re, por ate qi kishim çë përpara herësë, të duemë njani tietërinë. ⁶ Edhe këjo ashtë dashunia, të ecimë mbas porosivet ati. Këjo ashtë porosia, sikurse e ndëgjuetë çë përpara herësë, të ecëni mb'ate. ⁷ Sepse shumë gënjeshtarë hynë ndë botët, ata qi nukë rrëfejnë *me gojë* se Iesu Krishti erdhi ndë mish; kyi ashtë gënjeshtari edhe antikrishti. ⁸ Këqyrni vetëhenë tuei, qi të mos vdierrim' ato qi punuem, por të marrinë pagë të plotë. ⁹ Gjithë kush kapërcen porosinë, edhe nukë mbet ndë mësimt të Krishtit, *ai* s'ka Perëndi; ai qi mbet ndë mësimt të Krishtit, kyi ka edhe Atën' edhe Birinë. ¹⁰ Nd'arthtë kushi te ju, e nukë bije këte mësim, mos e merrni ndë shtëpi, edhe mos e përshëndetni, ¹¹ sepse ai qi e përshëndet, bahetë piesëtar mbë vepërat t'ati të këqiatë. ¹² Ndonëse pata shumë për me u shkruem juve, nukë desha me letër' e me mellan, por shpërej me ardhunë te ju, edhe me folunë gojë me gojë, qi të jetë plot gëzimi ynë. ¹³ Të falenë me shëndet dielmt' e motërësë s'ate të sgjedhëmesë. Amen.